


1

Araling Panlipunan

Una nga Graduhan – Modyul 1:

Pagpakilala han Kalugaringon





Aradman

Ini nga modyul mahihibaruan mo dinhi hiton mga leksiyon kun paunan-o pagpakilala han kalugaringon.

Ginlalaoman nga mahihibaroan mo an mga importante nga impormasyon hiunong han imo kalugaringon sugad han imo bug- os nga ngaran,ngaran han imo kag-anak, imo natawohan, ngan imo edad.

Pagkatapos hini nga leksiyon,ikaw ginlalauman nga :

- masiring an imo ngaran;
- masiring an imo natawohan ngan edad;
- masiring kun hain ka naukoy;
- masiring an eskwelahan kun hain ka nag-aaram.



Inadman

Panuto: Pag-istorya parti han imo kalugaringon. Batuna an mga masunod nga pakiana.

1. Ano an imo ngaran?

2. Ano an tawag ha imo hit imo mga kauyag?

3. Ano an tawag ha imo hit imo mga kabugtuan?

4. Ano an tawag ha imo hit imo nanay ngan tatay?

5. Malipayon kaba hit imo ngaran?

Aralin 1

Pagkilala han Kalugaringon



Aradman

Panuto: Kuupod han imo nanay o tatay , kantaha niyo an kanta nga an Imo Kaadlawan.

Imo Kaadlawan

Yana nga adlaw , imo kaadlawan
Kalipayan, kalipayan
Waray katapusan !
Humilaba kunta, imo kinabuhi
Hingyap namon, hingyap namon
Adlaw mo mag-malipayon !

Ini nga kanta nga **Imo Kaadlawan**, kinakanta ini kun mayda mga nag seselebrar han ira kaadlawan.

Isurat ha ubos an petsa han imo natawohan.

Isurat ha blangko an ginaaro nga impormasyon :

Ako hi _____. Naukoy ha _____.

_____ katuig iton akon edad .

Natawo ako dida han _____.

Hi _____ iton akon nanay ngan
hi _____ naman iton akon tatay.

Naeskwela ako ha _____.



Maaram ka?

Ini nga buruhaton, aton kitaon kun hin-o iton bata nga nagtitinangis ngan kun ano nga rason nga nagtitinangis hiya.

Panuto: Basahon naton an ira estorya ha dayalogo.

Tikang na liwat an klase. Nagtitinangis an bata nga hi Ana nga ada ha siyahan nga grado kay diri na hiya mauupdan han iya nanay ha sulod-pagaradman.. Nakita hiya ng han iya maestra nga hi Gng. Bonifacio.

Kay anu nga nagtatangis ka?

Babaya na po ako ni nanay dinhi *ma'am*.



Ayaw na pagtangis. Ako ngay-an
hi Mrs. Eva A. Bonifacio an imo
magiging Maestra. Anu imo
ngaran ngan diin ka naukoy?

Ako po hi Ana
Manabat. Naukoy
po akon ha Purok 8
Brgy. Canlapwas,
Catbalogan City.



Hino imo mga Kag anak
Ana?

Segi ayaw na pagtinangis
kay ginhihinulat na kita
han imo mga klasmyt ha
sulod.

Hi Rosalinda
Manabat po ngan
hi Jose Manabat
po.
Salamat po Ma'am.





Adman ta


An mga impormasyon hiunong han imo kalugaringon importante nga aton mahibaruan. An imo ngaran ansya an nagpapakilala han imo kalugaringon.

May mga panahon gihapon nga na kinahanglan mo masiring an ngaran han imo mga kag anak ngan an imo natawohan o edad para maparig-on an imo pagkilala hit imo kalugaringon.

Kinahanglan nga maaram ka han impormasyon mahiunong han imo kalugaringon sugad han ngaran,kaadlawan,edad, ngan urukyan.

Importante gihapon nga maaram ka kun diin ka naukoy, ngaran han imo eskwelahan ngan iba pa nga o nagsusumat parte ha imo kalugaringon pati manta mga batasan kumo usa nga Pilipino.

Ini nga mga impormasyon ansya ini an nagsusumat o nagpapakilala parte ha imo kalugaringon. Siguraduha nga an mga impormasyon hiunong ha imo ipapasabot mo la ha imo mga kapamilya, kasangkayan , ngan ha mga otoridad kun kinahanglanon. Ini nga impormasyon hiunong ha imo kalugaringon diri dapat ihatag ha mga tawo nga diri mo gud kilala.



Mga Buruhaton

A. Direksiyon: Ha sulod han kahon, isurat an imo ngaran, ha kada sulod han mga dampog, isurat an guin aaro nga impormasyon.

Naeskwela ako
ha _____

Gin anak ako
dida han

Ako hi

iton akon edad.

Ha _____
ako naukoy.

B. Direksiyon: Ha atubangan han imo kaupod o nagbabantay yana, ipakilala an imo kalugaringon.

1. Isumat an imo bug-os nga ngaran.
2. Imo edad.
3. Kun diin ka naukoy.
4. Imo kaadalawan.
5. Ngaran han imo eskwelahan.



Akon Nahibaruan

Direksiyon: Isurat ha blangko an gin-aaro nga impormasyon. Pilia an tama nga baton ha sulod han kahon.

natawohan	ngaran	eskwelahan
-----------	--------	------------

Kinahanglan nga maaram ka han mga impormasyon mahiunong han imo kalugaringon sugad han imo _____, edad, _____, kag-anak, inuukyan ngan _____ kun diin ka naeskewla.



Akon Mabubuhat

Direksiyon: Igdrowing an iyo eskwelahan ha sulod han kahon ngan igsurat an ngaran ha mga linya ha ubos.

(Ngaran han Eskwelahan)



Pagsukol han Nahibaruan

Direksiyon. Igdrowing an imo pamilya ngan kolori han ang imo paborito nga kolor.



Kadugangan nga Buruhaton

Direksiyon: Isurat an imo bug-os nga ngaran, edad, natawohan ngan kun diin ka na eskwela.

A large, empty rectangular box with rounded corners and a decorative scroll-like border on the left and top. Inside the box are ten horizontal lines for writing.



Mga Baton

Inadman	Magkadarudilain an aton
Ardman:	Magkadarudilain an baton
Mga Buruhaton:	A at B. Magkadarudilain an baton
Akon Nahibaran	➤ pangalan ➤ paaralan ➤ pagkakakilanlan
Akon Mabubuhay	Magkadarudilain an baton
Pagsukol han Nahibaran	Magkadarudilain an baton
Karagdagang Gawain	Magkadarudilain an baton